



玉函山房輯佚書

卷六

□ 11
1236
36



門 46011
1236
卷 36



春秋左氏傳解詁卷四

昭公左氏傳解詁

元年

告於莊共之廟而來

莊謂楚莊王圍之祖共王圍之父

儀禮聘禮疏

設服離衛

二人執戈在前在國居君離宮陳衛在門

正義

蒲宮有前不亦可乎

蒲宮楚君離宮言令尹在國已居君之宮出有前

戈不亦可乎

吾代二子愍矣

愍憂也代伯州犁憂公子圍代子羽憂子皙

吾與子弁冕端委以治民臨諸侯

禮衣端正無殺故曰端文德之衣尚褻長故曰委

十里舍車自雍及絳歸取酬幣終事八反

每于十里置幣車一乘千里百乘以次相授車率

日行一百六十里謂從絳向雍而復還一享之間

八度至也

兩於前伍於後專為右角參為左角

司馬法云五十乘為兩百二十乘為伍八十一乘

為專二十九乘為參二十五乘為偏彼皆準車數

多少以為別名此傳去車用卒而有此名則此名

不以車數為別也並同上

遷闕伯于商丘主辰

辰大火主祀也史記鄭世家集解

商人是因

商人契之先殷之世祖相土封闕伯之故地因其

故國而代之

遷實沈于大夏主參

大夏在汾澮之間主祀參星並同上

唐人是因

唐人即是劉累正義正

其季世曰唐叔虞

唐叔虞即下句邑姜所生者也

夢帝謂己

己武王也

昔金天氏有裔子曰昧為立冥師

金天少皞也立冥水官也師長也昧為水官之長

史記鄭世家集解

生允格駘臺

允格臺駘兄弟也

臺駘能業其官

脩昧之職

宣汾洮障大澤

陂障其水也

以處大原

大原汾水名

帝用嘉之

帝顓頊也

山川之神則水旱癘疫之災於是乎禋之

禋為營攢用幣也若有水旱則禘祭山川之神以

祈福也並同上

勿使有所壅閉湫底

湫著也底止也正義湫在九切集韻上聲四十四有湫字注引左傳

引服虔讀

於是乎有煩手淫聲

鄭重其手而音淫過公羊傳莊十七疏引何氏與服君同

六氣曰陰陽風雨晦明也

風東方南西方陰中央晦北方明南方唯天陽不

變唯晦明所屬詩小雅漸漸之石正義

伍舉問應為後之辭焉

問來赴者史記楚世家集解

將會孟子餘

孟爲趙盾子餘爲趙衰正義

甲辰朔烝于温

甲辰朔夏十一月朔也正義祭人君用孟月人臣用

仲月禮記王制正義

二年

宣子譽之

譽游也宣子游其樹下夏諺曰一游一譽爲諸侯

度正義

少姜有寵於晉侯晉侯謂之少齊

所以寵異不與衆女字等言齊國如此好女甚少

同上

晉侯使郊勞

近郊三十里詩魯頌駉正義

三年

火中寒暑乃退

火大火心也季冬十二月平旦正中在南方大寒

退季夏六月黃昏火星中大暑退是火爲寒暑之

候事也詩豳風七月正義

以備內官焜耀寡人之望

焜明也耀照也言得備妃嬪之列照明亡之意望

也正義釋文引上二句

而三老凍餒

三老者工老商老農老正義

而或煨休之

煨休痛其痛而念之若今時小兒痛父母以口就之曰煨休代其痛也

其相胡公大姬已在齊矣

相隨也

讒鼎之銘

讒鼎疾讒之鼎明堂位所云崇鼎是也又云讒地名禹鑄九鼎於甘讒之地故曰讒鼎

子豐有勞於晉國

鄭僖公之為太子豐與之俱適晉並同上

四年

四嶽三塗

三塗大行轅轅崤澠謂三塗為三處道也正義非南

望也

酈道元水經注卷八引三塗大行輟輟嶠澗接下句

古者日在北陸而藏冰西陸朝覲而出之

陸道也北陸言在謂十二月日在危一度西陸不

言在則不在昴謂二月在婁四度謂春分時奎婁

晨見東方而出冰是公始用之

周禮天官凌人疏

春分之

中奎始晨

正義作朝

見東方蟄蟲出矣故

正義無此五字

以是

時出冰給賓客喪祭之用月令仲春天子乃獻羔

啓冰是也

正義詩幽風七月正義引並有二月日在婁四度句已見上詩正義引有蟄蟲

出矣及故字又有給賓客句無月令已下

此言出之卽是仲春啓冰

其出之也朝之祿位賓食喪祭於是乎用之

祿位謂大夫以上賓客食享喪浴祭禋是其常用

之事也

詩幽風七月正義

以享司寒

司寒司陰之神立冥也將藏冰致寒氣故祀其神

同上

桃弧棘矢以除其災

桃所以逃凶也棘矢者棘亦有箴取其名蓋出冰

之時置此弓矢於凌室之戶所以禳除凶邪將御

至尊故慎其事為此禮也正義

火出而畢賦

於夏為三月於商為四月於周為五月周禮天官宮正疏

秋無苦雨

害物之雨民所苦詩小雅甫田正義

康有豐宮之朝

豐宮成王廟所在也史記楚世家集解

吾用齊桓

名陵之役齊桓退舍以禮楚靈王今感其意是以

用之正義

寡人將墮幣焉

墮輸也言將輸受宋之幣於宗廟正義釋文詩小雅正月正義

並引首句

商紂為黎之蒐東夷叛之

黎東夷國名子姓史記楚世家集解

鄭子產作丘賦國人謗之

子產作丘賦者賦此一丘之田使之出一馬三牛

復古法耳丘賦之法不行久矣今子產復脩古法

民以為貪故謗之正義正

饗大夫以落之

饗以豕豚為落詩小雅斯干正義

五年

卿喪自朝魯禮也

言卿葬三辭於朝從朝出正門卿佐國之楨幹君之股肱必過於朝重之也正義正

使亂大從

使亂大和順之道也正義釋文有也字

明而未融

融高也詩齊風東方之日正義

享類有璋

享獻釋文鄭服皆以享為獻耳

殮有陪鼎

陪牛羊豕鼎故云陪鼎正義正

羊舌四族

伯華叔向叔魚季風

何不可之有

何不可之有如是大不識文勢並同上

遠啓疆待命于雩婁

雩婁楚之東邑史記吳世家集解案史記雩作宇

六年

三辟之興皆叔世也

政衰爲叔世叔世踰於季世季世不能作辟也正義

詩曰儀式刑文王之德日靖四方

儀善式用刑法靖謀也言善用法文王之德日日謀安四方

又曰儀刑文王萬邦作孚

儀善也刑法也善用法者文王也言文王善用法故能爲萬國所信也

火未出而作火以鑄刑器藏爭辟焉火如象之不一何爲

鑄鼎藏爭辟故今出火與五行之火爭明故爲災在器故稱藏也

不抽屋不强句

抽裂也言不毀裂所舍之屋也句乞也不就人強

乞也並同上

七年

暨齊平

賈逵何休以為魯與齊平許惠卿以為魯與齊平

二句據正義補襄公二十四年仲孫羯侵齊二十五年崔

杼伐我自爾以來齊魯不相侵伐且齊是大國無

為求與魯平此六年冬齊侯伐北燕將納簡公齊

侯貪賄而與之平故傳言齊求之也齊次于號燕

人行成其文相比許君近之正義

士臣卑卑亞與與臣隸隸臣僚僚臣僕僕臣臺

阜造也造成事也與眾也佐阜舉眾事也隸隸屬

於吏也僚勞也共勞事僕僕暨主藏者也臺給臺

下微名也

作僕區之法

僕隱也區匿也為隱亡人之法也並同上

好以大屈

大屈寶金可以為劍一曰大屈弓名魯連書曰楚

子享魯侯于章華之臺與之大曲之弓既而悔之

蕞啓疆見魯侯魯侯歸之大屈殆所謂大曲之弓

史記魯世家集解無蕞啓疆二句正義引一曰以

下有此二句末句作大屈即大曲也釋文云大屈

弓名服同又云大曲也

賜子產莒之三方鼎

鼎三足則圓四足則方正義

聖人之後也而滅于宋

聖人謂商湯也孔子六代祖孔父嘉爲宋華督所

殺其子奔魯也後漢書孔融傳注史記孔子世家集解引上句

其祖弗父何以有宋而受厲公

弗父何宋潛公世子厲公兄以有宋言潛公之道

嗣當有宋國而讓與弟厲公也詩商頌那正義

及正考父

正考父弗父何之曾孫史記孔子世家集解

一命而僂再命而偃三命而俯

僂偃俯皆恭敬之貌也

歲時日月星辰是謂也

歲星之神也左行于地十二歲而一周時四時日

十日也月十二月也星二十八宿也辰十二辰也

春秋左傳句解

卷四

三十四卷五十五

是謂六物也詩小雅小弁正義

八年

葬陳哀公

葬哀公之文在殺孔奭之下以為楚葬哀公正義引賈服

石言于晉魏榆

魏邑也榆州里名正義水經注卷六引云魏晉邑下句有也字

甚哉其相蒙也

蒙欺也史記晉世家集解

將往又數人告

將往者欲往到陳氏問助子良攻我意正義

殺馬毀玉以葬

一曰馬陳侯所乘馬玉陳侯所佩玉故殺馬毀玉不欲使楚得之

陳顓頊之族

陳祖虞舜舜出顓頊故為顓頊之族史記陳世家集解

九年

夏四月陳災

春秋左傳句解

卷四

十三 鄭媛節補校

愍陳不與楚故存陳而書之言陳尚為國也正義引賈

叔弓宋華亥鄭游吉衛趙戩會楚子于陳

此會宋鄭衛之大夫不書叔弓後也正義

蒲姑商奄吾東土也

蒲姑商奄濱東海者也蒲姑齊也商奄魯也二十

年傳曰蒲姑因之定四年傳曰因商奄之民命以

伯禽

王有姻喪使趙成如周弔

婦之父曰姻王之后喪父於王亦有服義故往弔

火水妃也

火離也水坎也易卦離為中女坎為中男故火為

水妃

歲五及鶉火而後陳卒亡楚克有之天之道也故曰

五十二年

有事于武宮之歲龍度天門謂十五年歲星從申

越未而至午歷家以周天十二次次別為百四十

四分歲星每年行一百四十五分是歲星行一次

外剩行一分積一百四十四年乃剩行一次故十

五年得超一辰並同上

孟僖子如齊殷聘

殷中也自襄二十年叔老聘于齊至今積二十一

年聘齊故中復盛聘周禮秋官大行人疏禮記聘義正義引自襄以下未句

作故脩盛聘之禮

十年

十有二月

無冬刺不登臺視氣公羊傳賈服

服民不佻

示民不偷薄詩小雅鹿鳴正義

十有二年

晉伐鮮虞

穀梁傳曰其曰晉狄之也不正其與夷狄交伐中

國故狄稱之也正義引云賈服取以為說

已乎已乎

已乎決絕之辭正義

求鼎以為分

春秋左氏傳解詁 卷四 三十四卷五十八

有功德受分

史記楚世家集解

篔簹藍縷

今注疏本作股路史記作露集解引篔簹注同

也 篔簹柴車素木輅也藍縷言衣破壞其縷藍藍然

跋涉山林

草行曰跋水行曰涉

唯是桃弧棘矢以共禦王事

桃弧棘矢所以禦其災言楚地山林無所出也

齊王舅也

齊呂伋成王之舅

昔我皇祖伯父昆吾舊許是宅

陸終氏六子長曰昆吾少曰季連季連楚之祖故

謂昆吾為伯父也昆吾曾居許地故曰舊許是宅

並同上

十有三年

以聽國人

聽國人欲為誰

史記楚世家集解

王公夏將欲入郢

春秋左氏傳解詁 卷四

去姬媵館補校

郢別都也

吾父再奸王命

奸史記作犯

斷王旌執人於章華之宮

獲其五帥

五帥蕩侯潘子司馬督鄒尹午陵尹喜

康王跨之

兩足各跨壁一邊

同惡相求如市賈焉

謂國人共惡靈王者如市賈之人求利也

無與同好誰與同惡

言無黨於內當與誰共同好惡

無釁而動可謂無謀

言靈王尚在而妄動取國故謂無謀

私欲不違

不以私欲違民心

齊桓晉文不亦是乎

皆庶子而出奔

有高國以為內主

國子高子皆齊之正卿

從善如流

言其疾

有先大夫子餘子犯

子餘趙衰

惠懷無親

皆棄民不恤

間朝以講禮

朝天子之法禮記玉制正義引賈服

鄭伯男也

鄭伯爵在男服也正義引鄭衆服虔

貢之無藝

藝極也一曰常也正義

十有四年

盟費人司徒老祁慮癸偽廢疾

司徒姓也老祁字也慮癸亦姓字也二子季氏家

臣也正義

宥孤寡

宥謂寬赦其罪同上

及施邢侯

施罪於邢侯施猶劾也邢侯亡故劾之正義釋文引上句

侯下有也字

三數叔魚之惡不為未滅曰義也夫

讀滅為咸下屬為句不為末者不為末槩隱蔽之

也咸曰義也言人皆曰叔向是義正義

十有五年

吾見赤黑之禮

水黑火赤水火相遇云云正義

辱必求之吾助子請

辱從下讀訓之為欲欲必求之吾助子請

禮王之大經也

經常也常所當行也並同上

十有六年

幾為之笑

幾近也孔張失位近為所笑正義

刑之頗類

讀類為類頗偏也類不平也

立於朝而祀於家

祀其所自出之君於家以為大祖

其祭在廟

謂孔張先祖配廟食

非不能事大字小之難

斷字小之難以下為義字養也言事大國易養小

國難並同上

不亦銳乎

銳折也王應麟古文春秋左傳卷十引服虔承上題春秋正義云同前今本正義無之案正義云銳是鋒芒不得為折是駁服義當是宋本舊有今脫爾

十有七年

昔者黃帝以雲紀官故為雲師而雲名

黃帝受命得景雲之瑞故以雲紀事正義黃帝以雲

名官蓋春官為青雲氏夏官為縉雲氏秋官為白

雲氏冬官為黑雲氏中官為黃雲氏同上

炎帝氏以火紀故為火師而火名

炎帝以火名官春官為大火夏官為鶉火秋官為

西火冬官為北火中官為中火

共工氏以水紀故為水師而水名

共工以水名官春官為東水夏官為南水秋官為

西水冬官為北水中官為中水

大皞氏以龍紀故為龍師而龍名

大皞以龍名官春官為青龍氏夏官為赤龍氏秋

官為白龍氏冬官為黑龍氏中官為黃龍氏

五雉為五工正利器用正度量夷民者也

雉者夷也夷平也使度量器用平也並同上

九扈為九農正

鷦鷯亦聲音為名也正義引賈服

自顓頊以來不能紀遠乃紀於近為民師而命以民事

自少皞以上天子之號以其德百官之號以其徵

自顓頊以來天下之號以其地百官之號以其事

禮記月令正義春官為木正夏官為火正秋官曰金正冬

官為水正中官為工正高辛氏因之故傳曰遂濟

窮桑窮桑顓頊所居賈公彥周禮序泌路史後紀卷九羅

涉自棘津

棘津猶孟津也水經注卷五

今茲火出而章必火火入而伏正義云賈氏舊文無重火字服虔本火出

而章必火火入而伏重火別句

十有八年

宋衛陳鄭皆火梓慎登大廷氏之庫以望之

大廷氏亡國之君在黃帝前其處高顯周禮地官土訓疏

正義引在黃帝前一句四國次有火氣也梓慎不言夜望安

知望次陳獨無次何所望哉正義

弗良及也

弗良及者弗能及也良能也正義

鄙人藉稻

藉耕種於藉田也

今執事擱然授兵登陴

擱然猛貌也並同上

十有九年

費無極史記作無忌

楚大夫史記楚世家集解

夏許悼公瘡

許悼公靈公之子許男買瘡寒疾也太平御覽卷一百四十七

五月戊辰飲太子止之藥卒

經夏五月戊辰許世子止弑其君買止悼公子襄

太子也公疾不瘳止獨進藥雖嘗而不由醫

太子奔晉書曰弑其君

禮醫不三世不服其藥君有疾飲藥臣先嘗之親有疾飲藥子先嘗之公疾未瘳而進藥雖嘗而不由醫而卒故國罪之書殺告於諸侯

君子曰盡心力以事君舍藥物可也

原止之無惡由藥物不由醫無以知壽命有終故曰舍藥物可也一日罪止非也刺無良史物讀為勿止實孝能盡心事君舍藥物以罪之並同上

若大城城父

城父楚北境邑史記楚世家集解

懼隊宗主

宗主藏於宗廟故曰宗主正義

寡君與其二三老

二三老駟偃家臣同上

二十年

春王二月己丑日南至梓慎望氛

梓慎知失閏二月冬至故獨以二月望氛正義

奮揚使城父人執己以至

城父人城父大夫也

相從為愈

相從愈於共死並同上

彼將有他志

欲取國史記吳世家集解

賓將取

謂行夜周禮夏官掌固疏引賈服

琴張聞宗魯死

賈逵鄭眾皆以為子張即顓孫師此句據正義補案七十

子傳云子張少孔子四十餘歲孔子是時四十知

未有子張鄭賈之說不知所出正義

君盍誅於祝國史嚚以辭賓

祝國齊大祝史嚚大史也謂祝史之固陋嚚聞不

能盡禮薦美至於鬼神怒也

上下無怨

上下謂人神無怨並同上

一氣

歌氣也正義釋文

六律七音

七律為七器音黃鍾為宮林鍾為徵太簇為商南呂為羽姑洗為角應鍾為變宮蕤賓為變徵外傳曰武王克商歲在鶉火月在天駟日在析木之津

辰在斗柄星在天竈鶉火及天駟七列也南北之

揆七月也臯氏為鍾以律計此一歲之間數自倍

半一縣十九鍾鍾七律十二縣二百二十八鍾為

八十四律周禮春官小胥疏後魏書樂志引云

接一懸十九鍾黃鍾之均黃鍾為宮至蕤賓為變徵下

至八十四律

二十有一年

亟言之

亟疾也疾言之欲使信正義

而不能送亡君

君上屬

曰不狎鄙

狎更也子城謂華豹曰不更射為鄙一日城言我

不狎習故鄙並同上

二十有二年

賓孟適郊見雄雞自斷其尾問之侍者曰自憚其犧也遽歸告王且曰雞其憚為人用乎人異於是犧者實用人人犧實難己犧何害王弗應

賈逵以為大子壽卒景王不立適子鄭眾以為壽

卒王命猛代之後欲廢猛立朝耳賈為然正義
濟師取前城

前讀為泉周地也水經注卷十五

二十有三年

戊辰吳敗頓胡沈蔡陳許之師于雞父

不書楚楚諱敗不告正義

使各居一館

賈逵云使邾魯大夫各居一館鄭眾云使叔孫子服回各居一館賈氏近之

南宮極震

南宮極王子朝之卿士也

太平御覽卷八百八十

長弘謂劉文公曰君其勉之先君之方可濟也

先君謂劉蚩之父獻公也獻公亦欲立子猛不欲

令子朝得國今南宮極震死為天所弃先君之功

事可成也

周之亡也其三川震今西王之大臣亦震天弃之矣

御覽引傳棄作弃

西王謂子朝也子朝居王城故謂之西王也

東王必大克

東王敬王居狄泉狄泉在王城之東故曰東王也

並同上按太平御覽引傳文並注不言服虔蓋承前所引服注省文也王應麟題服虔今從之

乃縊於蘆澁

或謂之邑又謂之地

水經注卷四十

明其五候

正義云賈服王董皆作五候杜作伍候

二十有四年

及鍾離而還

鍾離州來西邑也

史記吳世家集解

二十有五年

為六畜五牲三犧以奉五味

牲麋鹿熊狼野豕三犧鴈鶩雉也正義

季氏芥其雞史記作芥注同

擣芥子播其雞羽可以盆史記魯世家集解

郈氏為之金距

金距以金錯距同上儀禮少本饋食禮疏

平子怒益宮於郈氏

怒其不下己也侵郈氏之宮地以自益史記魯世家集解

拘臧氏老

老臧氏家之大臣

請囚於費弗許

費季氏邑

請以五乘亡弗許

言五乘自省約以出並同上

執冰而踞

冰積丸蓋詩鄭風大叔于田正義

二十有六年

齊侯取鄆

往年齊侯取鄆實圍鄆耳經於圍書取傳實其事

故於是言取

正義

然據有異焉

異猶怪也

史記魯世家集解

七月己巳劉子以王出

出成周也

正義

使女寬守闕塞

闕塞南山伊闕是也

太平御覽卷四十二又卷一百五十八○太平寰宇記卷

二字蘭勝大元一統志卷三百八十三

令尹子常欲立子西

子西平王之長庶子宜申也

太平御覽卷一百四十七

曰太子任弱其母非嫡

御覽引傳及注並作任

太子任即昭王也其年幼弱母秦嬴

太子建實聘之子西長而好善立長則順建善則治

王順國治可不務乎子西怒曰是亂國而惡君王也

謂夫人言太子建聘之廢而不立是謂亂國而追

惡君王也

國有外援不可黷也

外援謂太子任秦外孫黷易也秦為任外援不可

易並同上

昔文武克殷

文王受命武王伐紂故云文武克殷正義引服虔王肅並注云

云以為諸本悉作武王克殷誤也

諸侯釋位以間王政

諸侯釋其私政而佐王政魏志武帝紀裴松之注文選潘元茂冊魏公

九錫文李善注

玩末無度正義曰玩俗本作規

玩貪也正義引服王孫皆注

美哉室其誰有此乎

景公自恐德薄不能久享齊國故曰誰有此也史記

齊世家集解

二十有七年

使延州來季子聘于上國

上國中國也蓋以吳辟在東南地勢卑下中國在

其上流故謂中國為上國也正義

以觀諸侯

察疆弱

史記吳世家集解

楚莠尹然王尹麋帥師救潛

王尹主宮內之政

正義

公子光曰此時也弗可失也

時言可殺王時也

史記吳世家集解

告鱗設諸曰上國有言曰

上國謂上古之時賢士之言也

正義

不索何獲

不索當何時得也

史記吳世家集解

我王嗣也吾欲求之

夷昧生光而廢之僚者夷昧之庶兄夷昧卒僚代

立故光曰我王嗣也

正義

鱗設諸曰王可弑也母老子弱

母老子弱專諸託其母子於光也

史記吳世家集解

是無若我何

猶言我無若是何

史記吳世家司馬貞索隱

光曰我爾身也

春秋左氏傳卷四

言我身猶爾身史記吳世家集解

鱒設諸寘劍於魚中以進

全魚炙也

以待天命

待其天命之終也

復命哭墓

復命於僚哭其墓也

復位而待

復本位待光命並同上

三十四卷七十四

取五甲五兵

兵戰也正義

國人投之遂弗爇也令尹炮之

民弗肯爇也鄢將師稱令尹使女燔炮之同上

使宰獻而請安

主人請安謂主人使司正請安于賓正義引劉炫云服虔亦然

二十有八年

昔有仍氏生女鬢髮而甚美光可以鑑名曰玄妻詩正義引劉炫注並作鬢

義釋文引服注並作鬢

春秋左氏傳卷四

三 嬀嬀館補校

髮美為鬢詩云鬢髮如雲其言美長而黑以髮美

故名立妻

詩鄘風君子偕老正義毛詩釋文

忿類無期

釋文類又作類力對反服作類

忿怒其類以饜其私無期度也

正義

心能制義曰度

心能制事使得其宜言善揆度事也

詩大雅皇矣正義

德正應和曰莫

在己為德施行為音發號施令天下皆應和之言皆莫然無謹誹也

照臨四方曰明

豫見安危也

教誨不倦曰長

教誨人以善不懈倦言善長以道德也

慈和徧服曰順

上愛下曰慈和中和也為上而愛下行之以中和天下徧服從而順之

擇善而從曰比

比方損益古今之宜而從之

經緯天地曰文

德能經緯順從天地之道故曰文

並同上

梗陽人有獄魏戊不能斷以獄上其大宗賂以女樂

訟者之大宗也

太平御覽卷四百五十一引傳注王應麟題服虔

魏子將受之魏戊謂閻沒女賈

二子晉大夫之屬

饋入召之

召二大夫食

並同上 按此注均不著姓名王應麟於上注既題服虔於此二注又題

賈逵或見別本故依入賈注更依今御覽本並入服注

昨或賜二小人食不夕食

昨飲酒醉故不夕食

願以小人腹為君子之心屬厭而已獻子辭梗陽人

屬足二子自謂小人腹飢則恐食之不足厭飽則

恐君亡君子居尊官食重祿而不足故願以其

腹為君子之心

並同上

二十有九年

春公至自乾侯處于鄆齊侯使高張來唁公稱主君

大夫稱主比公於大夫故稱主君

史記晉世家集解

古者畜龍故國有豢龍氏御龍氏

豢養也穀食曰豢御亦養也養馬曰圉禮養犬豕

曰豢知其以穀養蓋龍亦食穀也御與圉同言養

龍猶養馬故稱御

正義 史記夏本紀集解引御亦養句

帝賜之乘龍河漢各二

河漢各二乘

釋文

四頭為乘四乘十六頭也

正義

其後有劉累

后劉累之為諸侯者夏后賜之姓

史記夏本紀集解

宮宿其業

宿思也今日當預思明日之事如家人宿火矣

正義

其同人曰見龍在田

天在上火炎上同于天天不可同故曰同人

同上

遂濟窮桑

窮桑顓頊所居

路史後紀卷八羅莘注

遂賦晉國一鼓鐵以鑄刑書

鼓量名曲禮曰獻米者操量鼓取晉國一鼓鐵以

鑄之

正義

三十年

公在乾侯不先書郵與乾侯非公且徵過也

非公且徵過昭公無道久在外季氏非公不肯釋言公在某地春秋之義亦以不書徵季氏之過此年書者公不得入晉外內有困辱季氏閔而書之所謂事君如在國按明年傳云言不能外內又不能用其人皆是傳說經意非責昭公不是季氏非

公也

正義

三十有一年

若以先臣之故不絕季氏而賜之死

言賜不使死是為以死賜之

正義

十二月辛亥朔日有食之是夜也趙簡子夢童子羸而轉以歌且而日食占諸史墨曰吾夢如是今而日食何也對曰六年及此月也吳其入郢乎終亦弗克

史墨晉史蔡墨

史記魯世家集解

是歲歲在析木後六年

在大梁水宗十一月日在星紀為吳國分楚之先顓頊之子老童童子楚象行歌象楚走哭姬姓日月在星紀星紀之分姬姓吳也楚衰則吳得志吳

世世與楚怨楚走去其國故曰吳其入郢吳屬水

水數六十月水位故曰六年及此月也有適而食

故知吳終亦不克周禮春官占夢疏

入郢必以庚辰日月在辰尾

後六年定四年十一月閏餘十七閏在四月後其

十一月晦晦庚辰吳入郢在立冬後復此月也十

二月辛亥日會月於龍尾而食庚午日初有適故

曰庚辰一曰日月在辰尾尾為亡臣是歲吳始用

子胥之謀以伐楚故天垂象

庚午之日始有謫火勝金故弗克

午火庚金火當勝金而反有適故為不克晉諸侯

之霸與楚同盟趙簡子為執政之卿遠夷將伐同

盟日應之食故夢發簡子並同上

三十有二年

夏吳伐越始用師於越也史墨曰不及四十年越其

有吳乎越得歲而吳伐之必受其凶

歲星在星紀吳越之分野蔡復之歲歲在大梁距

此十九年昭十五年有事於武宮之歲龍度天門

龍歲星也天門在戌是歲過故使今年越得歲龍
東方宿天德之貴神其所在之國兵必昌向之以
兵則凶吳越同次吳先舉兵故凶也或歲星在越
分中故云得歲史墨知不及四十年越有吳者以
其歲星十二年一周天存亡之數不過三紀三者
天地人之數故歲星三周星紀至立枵哀二十二
年越滅吳至此三十八年周禮春官
保章氏疏
魯文公薨而東門遂殺適立庶

東門遂襄仲也居東門故稱東門遂史記魯世家集解

定公左氏傳解詁

元年

晉魏舒合諸侯之大夫于狄泉

翟泉在洛陽東北周之墓地水經注卷十六引
班固服虔皇甫謐

四年

君行師從卿行旅從

謂會同詩小雅黍
苗正義

將長蔡於衛

載書使蔡在衛上史記管蔡
世家集解

備物典策

備物國之職物備也當謂國君威儀之物若今繖

扇之屬備賜魯也正義

楚子取其妹季芊畀我以出

畀我季芊之字釋文季芊許嫁而字畀我季芊弟也

禮婦人許嫁笄而稱字季芊稱字是許嫁也蓋遭

亂夫死而改適鍾建耳同上

王奔鄖

鄖楚縣史記吳世家集解

平王殺吾父

父蔓成然史記楚世家集解

以王奔隨

隨楚與國也史記吳世家集解

初伍員與申包胥友

楚大夫王孫包胥史記楚世家集解

六年

於是乎遷郢於都

都楚邑史記吳世家集解

七年

齊人歸鄆陽關

陽關魯邑

史記魯世家集解

八年

從祀先公

自躋僖公以來昭穆皆逆

禮記禮器正義

吾志其目也

志中其目是非其誠詐以自矜

儀禮大射義疏

九年

皙幘而衣狸製

狸製狸裘也

詩豳風七月正義

齊侯謂夷儀人曰得敝無存者以五豕兔

是時齊克夷儀而有之既為齊有故齊得優免其

為役也

正義今注疏本脫免字據王應麟所引補

十年

夏公會齊侯于祝其實夾谷

東海祝其縣

史記齊世家集解

地二名

水經注卷三十

且儀象不出門嘉樂不野合

儀象饗禮犧尊象尊也嘉樂鍾鼓之樂也詩小雅鼓鐘正義

齊人來歸鄆謹龜陰之田

三田汶陽田也龜山名陰之田得其田不得其山

也史記孔子世家集解

十有二年

仲由為季氏宰

仲由子路史記魯世家集解

將墮三都

三都三家之邑也史記孔子世家集解

公與三子入于季氏之宮

三子孟孫叔孫季孫也

人及公側

八有人及公之臺側

仲尼命申句須樂頎下伐之

申句須樂頎魯大夫

公斂處父謂孟孫墮成齊人必至于北門

公斂處父成宰也並同上

十有三年

晉趙鞅謂邯鄲午曰歸我衛貢五百家吾舍諸晉陽

往年趙鞅圍衛衛人恐懼故貢五百家鞅置之邯

鄲又欲更徙於晉陽史記趙世家集解

午許諾歸告其父兄父兄皆曰不可

午之諸父兄及邯鄲中長老

趙稷涉賓以邯鄲叛

稷午子

而以范皋夷代之史記作皋繹

范氏之側室子

荀躒言於晉侯

荀躒智文子

韓魏以趙氏為請

以其罪輕於荀蒞也並同上

十有四年

衛侯為夫人南子名宋朝會于洮

會于洮上屬為義言衛侯為夫人南子名宋朝故

與宋公會于洮正義

哀公左氏傳解詁

元年

使疆于江汝之間而還

蔡使楚進疆於故江國與汝水之間正義

使大夫種因吳大宰嚭以行成

行成求成也史記吳世家集解

滅夏后相

夏后相啓之孫

后緡方娠逃出自竇歸于有仍生少康焉

后緡遺腹子

以收夏衆撫其官職

因此基業稍收取夏遺民餘衆撫修夏之故官憲

典

祀夏配天

以鯀配天也並同上

越十年生聚而十年教訓

令少者無娶老婦老者無娶少婦女十七不嫁男

二十不娶父母有罪也將生子以告與之鑿饋之

餽也死者釋其征必哭泣葬埋如其子也孺子遊者必鋪齋之也非手所種夫人所織不用十年不

收於國正義

在軍熟食者分而後敢食

以其半分軍士而後自食其餘若罾膠注流也同上

二年

癸巳叔孫州仇仲孫何忌及邾子盟于句繹

季孫尊卿敵服先歸使二子與之盟正義

郢不足以辱社稷

名正常正常不反

名而問兒死意正義

四年

襲梁及霍

梁霍周南鄙也水經注卷二十一

五年

齊燕姬生子不成而死

燕姬齊景公嫡夫人昭七年燕人所歸不成未冠

也太平御覽卷一百四十七

諸子鬻嬖之子荼嬖

諸子諸公子鬻嬖景公妾也淳于人所納女荼安

孺子

諸大夫恐其爲子也言於公曰君之齒長矣未有太

子若之何

注疏本作爲大子御覽引作爲子

爲子爲太子也荼少故恐立之言君長未有太子

一旦不諱當若之何欲齊侯早立長也

公曰二三子間於憂虞則有疾疢亦姑謀樂何憂於

無君

言二三子當國家間暇無憂虞惟恐疾疢在其間

今無疾疢何爲不自謀自樂何憂無君乎

並同

公疾使國惠子高昭子立荼

國惠子國景子之子國夏也昭子高姬之子高張

也

同上 史記齊世家集解引云惠子國夏也昭子高張也

賓羣公子於萊

賓置萊齊東鄙邑欲使遠齊

太平御覽卷一百四十七○史記齊世家

集解引上二句

萊人歌之曰景公死乎不與埋三軍之事乎不與謀

師乎師乎何黨之乎史記何作胡

萊人見五公子遠遷鄙邑不得與景公葬埋之事

及國三軍之謀故愍而歌師衆也黨所也言公子

衆何所適也史記齊世家集解

六年

國夏奔莒遂及高張晏圍弦施來奔

圍晏嬰之子同上

潛師閉塗逆越女之子章

閉塗不通外使也越女昭王之妾史記楚世家集解

楚子問諸周太史

諸侯皆有太史主周所賜典籍故曰周太史一日

是時往周問周太史正義

三代命祀祭不越望

謂所受王命祀其國中山川爲望史記楚世家集解

夏書曰惟彼陶唐帥彼天常有此冀方今失其行亂

其紀綱乃滅而亡

逸書夏桀之時正義引賈服孫杜堯居冀方虞夏因之不

遷居不易民其陶唐虞夏之都大率相近不出河

東之界詩魏風魏譜正義

七年

知必危何故不言魯德如邾而以衆加之可乎

上二句亦爲孟孫之言謂諸大夫誠知伐邾必危

何故不早言也正義

初曹人或夢衆君子立于社宮

衆君子諸國君妾耳正義社宮社也史記曹世家集解

九年

晉趙鞅卜救鄭遇水適火

兆南行適火卜法橫者爲土立者爲木邪向經者爲金背經者爲火因兆而細曲者爲水正義

十年

齊人弒悼公赴于師吳子三日哭于軍門之外

諸侯相臨之禮史記吳世家集解

侵及賴而還

賴齊邑史記齊世家集解

十有一年

其有願越不共則剝殄無遺育

顛隕也越墜也顛越無道則割絕無遺也史記吳世家集

解

屬其子於鮑氏為王孫氏

鮑氏齊大夫

使賜屬鏹以死

屬鏹劍名賜使自刎並同上

孔文子使疾出其妻而妻之

文子衛甯也史記孔子世家集解

胡篋之事

之禮故有中央土獸土為信信禮之子脩其母

致其子視明禮脩而麟至思睿信至而白虎擾言

從又成而神龜在沼聽聰知正則名川出龍貌恭

性仁則鳳皇來儀禮記禮運正義禮周南麟趾釋文引視

明二句

小邾射以句繹來奔

春秋終于獲麟故小邾繹不在三叛人中弟子

欲明夫子作春秋以顯其師故書小邾繹以下至

孔子卒春秋序正義

西狩於大野

言西者有意於西明夫子有立言立言之位在西

方故著於西也正義大野藪名魯田圃之常處蓋今

距野是也史記孔子世家集解

叔孫氏之車子鉏商獲麟

車車士微者也子姓鉏商名正義史記孔子世家集解

以為不祥以賜虞人仲尼觀之曰麟也然後取之

麟非時所常見故怪之以為不祥也仲尼命之曰

麟然後魯人乃取之也明麟為孔子至也史記孔子世家

夏曰胡正義引

鳥則擇木木豈能擇鳥

鳥喻己木以喻所之之國史記孔子世家集解

十有二年

公會吳子橐臯

橐臯地名也史記吳世家集解

若可尋也亦可寒也

尋之言重也温也寒歛也亦可寒而歛之儀禮有司徹疏

侯伯致禮地主歸餼

春秋左氏傳卷四

吳姬嬖館補校

致賓禮於地主正義

十有三年

自到七人於幕下

以絕口史記吳世家集解

十有四年

西狩獲麟

孔子自衛反魯考正禮樂修春秋約以周禮三年
文成致麟麟感而至取龍為水物故以脩母致子
之應正義引賈逵服虔穎容等虔正義序引服虔云夫子以哀十一年自衛反魯而作春秋約

集解正義引仲尼名曰麟明麟為仲尼至也

闕止有寵焉

闕止子我也史記齊世家集解

子我夕

夕省事

陳逆逢人殺之遂執以入

子我將往夕省事於君而逢逆之殺人也

陳氏方睦

陳常方欲謀有齊國故和其宗族

使疾而遺之潘沐備酒肉焉

使陳逆詐病而遺也

饗守肉者醉而殺之而逃子我盟諸陳於陳宗

子我見陳逆得生出而恐為陳氏所怨故與盟而

請和也陳宗宗長之家

我遠於陳氏矣

言與陳氏宗疎遠矣

且有違者不過數人

違者不從子我者

子行曰彼得君弗先必禍子

彼闕止也子陳常也

子行舍於公宮

止於公宮為陳氏作內間也

成子兄弟四乘如公

成子兄弟八人二人共一乘故曰四乘

子我在幄出逆之遂入閉門

成子兄弟見子我出遂入反閉門子我不得復入

侍人禦之

闞豎以兵禦陳氏

子行殺侍人

舍于公宮故得殺之

公與婦人飲酒于檀臺

當陳氏入時飲酒于此臺

成子遷諸寢

欲徙公令居寢也

大史子餘

齊大夫

聞公猶怒將出

出奔也並同上

有如陳宗

陳宗先祖鬼神也止義

子我歸屬徒攻闞與大門

宮中之門曰闞大門公門史記齊世家集解

殺諸郭闞

齊關名

成子將殺大陸子方

子方子我之黨大夫東郭賈也

何以見魯衛之士

子方將欲奔魯衛也

並同上

十有五年

將以尸入

在牀曰尸在棺曰柩禮稱既斂於棺傳言將以尸

入者記言對文耳

正義

舍於孔氏之外圃

圃園

史記衛世家集解

昏二人蒙衣而乘

二人謂渾良夫太子蒙衣為婦人之服以巾蒙其

頭而共乘也

孔氏之老樂甯問之

史記作樂甯下引服注同

家臣稱老問其姓名

稱姻妾以告遂入適伯姬氏

入孔氏家適伯姬所居

既食孔伯姬杖戈而先

先至孔慳所

遂劫以登臺

於衛臺上召衛羣臣

使告季子

季路孔氏邑宰故告之

召獲駕乘車

召獲衛大夫駕乘車不駕兵車也言無距父之意也

行爵食炙

樂甯使召季路乃行爵食炙

奉衛侯來奔

召獲奉衛侯

季子曰食焉不辟其難

言食懼之祿欲救懼之難此明其不死國也

及門公孫敢出口無入為也

公孫敢衛大夫言輒已出無為復入

石乞孟縶敵子路

二子蒯瞶之臣敵當也

以戈擊之斷纓子路曰君子死冠不免

不使冠在地並同上

十有六年

稱一人非名也

天子自謂一人非諸侯所當名也史記孔子世家集解 冊府元

龜卷七百九十六

君爾失之

亡國之風冊府元龜卷七百九十六

使處吳竟為白公

白邑名楚邑大夫皆稱公史記楚世家集解

請以戰備獻

欲陳士卒甲兵如與吳戰時所入獻捷正義

負王以如昭夫人之宮

昭王夫人惠王母越女也史記楚世家集解

十有七年

國子實執齊柄

秉權柄史記蔡澤傳索隱

如魚窺尾

魚勞則尾赤詩周南汝墳正義

衛人請平立公子起

起靈公子史記衛世家集解

二十年

吳公子慶忌驟諫吳王

驟數也詩鄭風將仲子正義詩釋文

二十有二年

請使吳王居甬東

甬東越東鄙甬江東也史記吳世家集解

二十有四年

是魯言也

魯不信言也正義釋文

餼臧石牛

牲生儀禮聘禮疏

二十有五年

衛侯出奔宋

此下但有適城鉏以鉤越無奔宋之事其說未聞

正義

二十有七年

陳成子屬孤子

屬會也孤子死事者之子也

太平御覽卷二百一
王應麟引作服注

設乘車兩馬繫五邑焉

乘車兩馬大夫車服也繫五邑加之五邑也一曰

兩飾也

隰之役而父死焉

隰役在哀二十三年並同上

公游于陵阪

陵阪地名史記魯世家集解



